

U G O V O R
ZA NABAVKU OPREME ZA SIMULTANO PREVOĐENJE I SNIMANJE ZA
POTREBE USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine, (u daljem tekstu: **Naručilac**),

i

„**AUDIO VIDEO CONSULTING d.o.o.**“, Ul. Azize Šaćirbegović br. 7, Sarajevo, koga zastupa Nermin Dizdarević, direktor (u daljem tekstu: **Isporučilac**).

Član 1.

Predmet ugovora je nabavka opreme za simultano prevođenje i snimanje, koju će Isporučilac isporučiti Naručiocu u skladu sa ponudom broj: T-30-2015 od 27. 8. 2015. godine, koja je sastavni dio ovog ugovora.

Član 2.

Naručilac i Isporučilac su saglasni da ugovor o nabavci realizuju prema uslovima definisanim u tenderskoj dokumentaciji Naručioca i ponudi Isporučioca.

Član 3.

Cijena za nabavku iz člana 1. ovog ugovora definisana je u obrascu za cijenu ponude Isporučioca i iznosi 15.946,50 KM bez PDV-a, odnosno 18.657,41 KM sa PDV-om.

Član 4.

Isporučilac se obavezuje da će izvršiti isporuku robe u skladu sa članom 2. ovog ugovora na adresu Naručioca, najkasnije u roku od 30 dana od dana zaključenja ugovora.

Isporučilac se obavezuje dostaviti robu Naručiocu u traženim količinama i u dogovoreno vrijeme u prostorije Ustavnog suda BiH - ulica Reisa Džemaludina Čauševića 6, treći sprat, kvalitete koja odgovara kvaliteti iz obrasca za cijenu ponude Naručioca i ponudi Isporučioca.

Član 5.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 6.

Sve troškove u vezi sa dostavom robe po ovom ugovoru snosi Isporučilac.

Isporučilac se obavezuje da osigura servisiranje robe koja je predmet ovog ugovora u garantnom roku iz tenderske dokumentacije i ponude Isporučioca.

Isporučilac garantuje Naručiocu prioritet kod servisiranja uz poštivanje rokova za odziv i popravku, u skladu sa ponudom.

Član 7.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima BiH.

Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 9.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 10.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

SARAJEVO
AVO ZA ISPORUČIOCA
Audio Video
Consulting d.o.o.
Ul. Azize Saćirbegović 7

Nermin Dizdarević
Nermin Dizdarević
Direktor

Sarajevo, 20.10.2015.

Broj: 21-10/15



ZA NARUČIOCA

Mirsad Ćeman
Mirsad Ćeman
Predsjednik Ustavnog suda BiH

Sarajevo, 19.10.2015.

Broj: P3-349/15